

Visoki predstavnik odgovara korisnicima i vlasnicima fabrike akumulatora u Potočarima

Visoki predstavnik, Paddy Ashdown, danas je poslao pismo Radomiru Zekiću, direktoru, kao i dioničarima i korisnicima fabrike akumulatora "AS" u Potočarima pored Srebrenice. U svom pismu, visoki predstavnik podsjeća gospodina Zekića da je odluka kojom je vlasništvo nad fabrikom akumulatora preneseno na Fondaciju "Srebrenica-Potočari spomen obilježje i mezarje" donesena nakon što su provedene konzultacije sa tijelima vlasti Republike Srpske (RS), koji su se složili sa ovim potezom. Organi vlasti RS su imenovali povjerenstvo čiji je zadatak da utvrdi naknadu koju RS treba da isplati sadašnjim vlasnicima i korisnicima fabrike akumulatora.

Ukoliko ovo povjerenstvo ne bi došlo do zaključka u okviru zadanog roka to ne bi utjecalo na pravo Fondacije "Srebrenica-Potočari spomen obilježje i mezarje" da uđe u posjed pomenute lokacije. Povjerenstvo je šest mjeseci za donošenje zaključka imalo ali to još uvijek nije učinilo. OHR je u nekoliko prilika podsjetio tijela vlasti RS kao i povjerenstvo koje je imenovalo Ministarstvo financija RS na njihovu obvezu da osiguraju odgovarajuću naknadu za trenutne korisnike i vlasnike fabrike "AS".

Prilikom donošenja odluke o prenošenju vlasništva, u ožujku ove godine, visoki predstavnik je kazao "lokacija na kojoj se nalazi fabrika akumulatora ima posebno mjesto u sjećanju srebreničkih porodica, budući da je to mjesto na kome su mnogi od njih posljednji put svoje bližnje vidjeli žive". Odluka visokog predstavnika ima punu potporu Fondacije "Srebrenica-Potočari spomen obilježje i mezarje". Izvršni odbor ove

fondacije odrediće buduću namjenu lokacije na kojoj se nalazi fabrika akumulatora nakon konzultacija sa obiteljima stradalih.